

Parare Domino Plebem Perfectam

A lokisetse Morena Sechaba se phethehileng (Luka 1,17)

Moeletsi oa Basotho

www.moeletsiobasotho.co.ls

PAC e batla ho hlake



3

700,000 e

maqakabetsing

7



Ba tsetselela litsiane

8



BA KHETHA HO EA LITOTOMENG

www.moeletsiobasotho.co.ls



+266 28 350 466/
+266 6260 09 WhatsApp
newsroom@moeletsiobasotho.co.ls

KETEKELO EA LILEMO TSE MAKHOLO A MABELI SECHABA SA BASOTHO SE THEILOE

#PARARE DOMINO PLEBEM PERFECTAM

MOELETSI

Bokhopo bo jang mong'a bona

Bakuli ba lefu la mofetše ba ntse ba khutlisoa koana Afrika Boroa, Bloemfontein ka le reng libethe li tletse hape Naha ea Lesotho ho tlalehoa e na le mokitlane. Ka hona bophelo ba sechaba bo tlokotsing hobane ha ba fumane kalafo, le hoja ba hlalosa ba ne ba ngolloa litlhare tseo ba neng ba sa li fumane kahar'a naha. Ntle ho moo baselebetsi ba bophelo litsing mona ba shebahala ba sa abele bakuli toka mabapi le litlhare hobane ba li isa litsing tse ikemetseng.

Empa taba e sooto ho feta tsohle ke hore ebe ho ka be ho ahiloe setsi sa kokelo ea mofetše kahara naha, empa Molula-Setulo oa Komiti ea Paramente e alositseng Ntla-falo le Boiketlo ba Sechaba o bontša ha seo se sa etsahala ka lebaka la batho ba nang le lithahasello tse itseng. Ebe batho bao menahano ea bona e ne e sa ba nehe hore ho na le mohla ba tla tšoaroa ke mofetše? Hona ba khopo hakaalo hoo ba bolaeang batho ka matsoho ha bobebe joalo? Ekaba Basotho ba kopana kae le boichebo boo bo sa ba thuseng le ka letho, hobane bongata ba batho ba etsang liqeto tse molemong oa bona ha ba na katleho bophelong. Motho o utloa ha u se u joetsoa ka eena hore na o ne a sebetsa kae, ka selemo sefe a e-na le chelete e kae. Tseo tsohle uena ha u mo sheba u sa li bone.

Ho malimabe bohle ba ileng ba sitisa kha-ho ea setsi seo sa kokelo ea mofetše hobane kajeno sechaba sa Basotho sea sokola. Ekaba ba ikutloa ho le joang moo ba leng teng? Ho ba ntseng ba phela, thabo ea bona e ntse e khaphatseha joaloka mehla? Khahlanong le seo batho ba se hopolang, thabo ea motho ha e tlosoe ke lintho tsoe a iketsetsang tsona. Ha u etselitse motho molemo o thaba nako e telele ho feta ha u ka ithekela seaparo. Ka hona le bana hoja ba ile ba lumela hore ho ahoe setsi sena, ha joale ba ka be ba ikotla lifuba ka litholoana tsa mosebetsi oa matsoho a bona.

Matsatsing a ho feta mona Tona-Khoho o ile a bolella Lekhotla le Phahameng hore ha se boikarabello ba 'muso ho fepa Basotho, empa haufinyane mona o qeta ho fana ka polelo e phatlalatsang koluoa ea tlala. A ipiletsa ho bohle ba nang le hona ho arolelana le ba se nang hona. E le hore joale hona tjee ke boikarabello ba rona ho fepa batho ba lapileng? Hobane'ng eena e se boikarabello ba hae joaloka moetapele oa sechaba ho se thusa ka lijo? Ho sebelisoa sekala sefe mabapi le boikarabello ba ho fepa motho e mong? E le hore mebuso ee e fetileng e ileng ea thusa sechaba ka lijo e ne e etsa hoo ka boithatelo feela? Leha ho le joalo 'muso o entse tšepiso ea ho thusetsa ka ho theha mesebetsi metseng le metsaneng le ho thusa malapa a tlokotsing.

Lintlafatso ke lerumo

Nthabeleng Seitlheko

Mokhatlo oa Batho ba nang le Bokooa ba Pono (LNDB) o lla ka hore ha ho etsoa mesebetsi ea lintlafatso ha ba kenyeletsoe 'me ba lula e le mahlatsipa a temalo. Tsena li boletsoe ke Mookameli oa Mokhatlo Lieketseng Mochalotse, ka la 16 Phupu monongoaha.

O re e 'ngoe ea liqeto tseo ba sa kenyeletsoeng ho eona ke tokiso ea

Ba ipiletsa ho baitšokuli ho tlosa lithepa tsa bona ka tseleng hore ba tsebe ho tsamaea hantle hobane le bona ke batho ba na le tokelo joaloka mang le mang. A re 'muso o ele hloko litlhoko tsa bona bohle ba etsang meralo ea phetoho ba sebeletse ho ba kenyeletsa.

Ketso Nkoko ho hlaha Lefapheng la Litsela, o itse ba masoabi ka ho se kenyeletse batho ba nang le bokooa mererong ea bona, ka hona ba ba tšepisa hore ba tla ba

lokolohileng ho tsamaea ka mefuta eohle ea bona.

A re Naha ea Lesotho ka mafapha ohle e tlameha ho sebetsa ka thata ho bona hore e ananela boteng ba batho ba nang le bokooa litabeng tsohle, ha ho etsoa litokiso ba bone hore ba kenyeletsa bohle, ka hona ba tla etsa bonnete ba hore ba lula ba hopotsa bohle hore poloheho ea bona e bohlokoa.

Ka lehlakoreng le leng 'Malebohang Sebeli, Mohlanapeng, Quthing,



tsela le lintlafatso kahar'a literopo, moo ba oelang kahar'a likoti litseleng, ba thula lithepa tsa batho le ho tsamaea moo ba sa lokelang kapa ho tšela libakeng tse sa bolokehang. A re ke karolo ea sechaba e hlorisoang hobane ba beheletsoe ka thoko le hoja ba nka maeto joaloka mang le mang.

E mong oa batho ba nang le bokooa ba pono Keletso Lesoetsa, o re le hoja ba thoholetsa 'muso ka lintlafatso tseo o ntseng o li etsa empa ba rata hore mafapha a ikarabellang a ba hopole e le karolo ea sechaba le ho ba thusa hore le bona ba phele ka bolokolohi. O re matsatsing ana batho ba beha thepa ea likhoebo kahar'a tsela ebe ha ho moo bona ba tsamaeang ba qetella ba senyetsa batho e leng ntho e sa ba tšoareng hantle hobane e se ka maikemisetso.

kenyeletsa 'me har'a tseling ba tla ntlafatsa litse-la le liroboto hore li be le mokhoa oa ho bua hore batho ba nang le bokooa ba tsebe ho tšela. A ba leboha ka ho ba fahlolla tšebetsong ea bona 'me a tšepisa hore ba tla etsa bonnete ba hore ba ba kenyeletsa meralong eohle.

H'a phethela o supile ba tla tšehetsa batho ba nang le bokooa ho bona hore ba lokoloha joaloka batho ba bang. A re hohle pele ba qala tšebetso le nakong ea tšebetso ba tla etsa litsebiso.

Mookameli oa 'Mamekhatlo oa Mokhatlo oa Batho ba nang le Bokooa (LNFD) Adv. Nkhasi Sefuthi, o hlalositse hore batho ba nang le bokooa ba tobane le phephetso e khoho ea tlhokahalo ea bolokolohi nakong ea maeto, kaha ho se libaka tse khethehileng moo ba

o hlalositse hore o nka leeto ka pere nako eohle ho ea Litsing tsa Bophelo le ho phetha mabaka a hae kaha ho le thata ho fihla moo a eang ka lebaka la bobebe ba tsela, le ho lieha ho tsamaea. O re o nka lihora tse peli ho fihla lebakeng la hae e bang a tsamaea ka maoto empa ka pere o nka hora.

O re ho thata ho eena ho etsa mabaka a mangata hobane ha e theoha o lula a kula nako eohle. O re ntho e ka thusanang ke hore ho be le tsela ea letšoana e tla etsa hore ba nolofaloe ke ho nka maeto.

O bontšitse hore bokooa ha se bokulo empa e le tsela eo motho a bopehileng ka eona e sa tšoaneng le ea ba bang, ka hona ba tlameha ho eloa hloko le ho hopoloa ka linako tsohle kaha ho le bohlokoa hore ba be le motsamao o lokolohileng.

PAC e batla ho hlake

Nthabeleng Seitlheko

Komiti e alos-itseng Tšebeliso ea Lichelete tsa Sechaba (PAC) e kopane le Lekala la Lihlo-liloeng ka Lefapha la Merafo ho hlalosa thekisetano ea morao oa Mothae e bileng lipakeng tsa Kamphani ea LUCAPA le 'Muso oa Lesotho. Tsena li bile tulong ea komiti ka la 15 Phupu monongoaha.

Sena se latela hore tlaho ea Mohlalobi oa Libuka tsa 'Muso ea selemo sa 2022 e utolle hore ho na le litaba tse sa hlakang mabapi le thekisetano ena.



Molula-Setulo oa PAC, 'Machabana Lemphane Letsie.



ST. VINCENT PRE-SCHOOL

2024

ADMISSIONS NOW OPEN










Age: 1- 6 years

PRE-SCHOOL AND DAYCARE

Ha Leqele Pela kereke ea St.Vincent Seboka

CALL NOW: 5911 4112

Molula-Setulo oa komiti Machaba Lemphane Letsie, o itse tlaho ea Mohlalobi oa Libuka e supa ha chelete e kaalo ka M175Millione ho sa bonahale moo e fetseng, e hlalosa e ne e lokela ho hlaha Kampaning ea LUCAPA e tla 'Musong oa Lesotho ka selemo sa 2021.

O re ho lokela ho hlake hantle hore na chelete ena e hokae, le hore na ke methati efe e lokelang ho lateloa ho bona hore e lefuo ka nepo.

Ofisi ea Ramatlotlo oa Libuka tsa 'Muso, e re ho latela tlhahlobo ea libuka tsa 'muso selemo le selemo Lefapha la Merafo le bonahala le sa fana ka tlaho ea chelete e neng e saletse morao ho hlaha Kampaning ea LUCAPA.

O re ha ho na litokomane tse pakahatsang kampani ena e neng e kolota 'muso oa Lesotho e lefile, kaha ho se tlaho e teng matsohong a bona, ka hoo bona ba nka kampani eo e ntse e kolota 'muso.

Ramatlotlo oa 'Muso

'Mabataung Kubung Pitso, o re esale a qetela chelete ea khoebo eo ka selemo sa 2021, ka hona ha ba e-s'o hlakeloe hore na chelete e neng e saletse morao e lefuo kapa che hobane ho na le e keneng kahar'a banka eo ba sa atleheng ho e hlalosa.

Ramatlotlo oa Lefapha la Merafo Sebueng Phoofolo, o hlalositse hore kampani ena e lefile chelete eohle eo e neng e e kolota 'Muso oa Lesotho empa e bile ofisi ea habo e sa fetisang tlaho eo Ofising ea Ramatlotlo e Moholo oa 'Muso. A ananela hore h'a ho fana ka litokomane tsohle tsa selemo sa 2022, ka hoo a itlama ho lokisa bothata bona.

Setho sa Komiti, Machesetsa Mofomobe, o bonts'itse ho le bohlokoa hore mafapha ana a il'o itokisa, a bontšane liphoso le ho thusana ho nepa. A re seo se tla thusa hore ka la 22 Phupu monongoaha ba be ba e-na le tharollo le ho le hlaka litabeng tsena.

RE TŠEHETSA BACHA

Tšelisothakholi

Leseli Youth Club (LYC) ke mokhatlo oa bacha ba ikopantseng ka morero oa ho arolelana litsebo tseo ba nang le tsona. O fumaneha Ha 'Nelese Seterekeng sa Maseru. Ke mokhatlo o seng o e-na le selemo o thehiloe, 'me o sebetsana ka kotloloho le ho thusa bacha ho fenyha tlala, bofuma le tlhokahalo ea mesebetsi ka leruo la likhoho, likolobe le linku. Mokhatlo o thehiloe ka bacha ba 14 ka palo ba lilemo li 18 ho isa ho 35.

Ho feta mona o shebane le ho kopanya bacha hore ba ithehele mekhoha ea boipheliso ka litsebo tse fapakaneng tseo ba nang le tsona. Mokhatlo ona o reretsoe ho tla kenya letsoho mahaeng a bana ba likhutsana ka ho ba phallela ka lijo. Ka lehlakoreng le leng o boetse o thusa bacha



tsona 'me theko ea tsona matsatsing a morao tjena e batla e le boima empa ka lebaka la boikopanyo ba

sa joaloka lihoai tsa temo. Morero oa ka ke ho eketsa palo ea likolobe kaha ha joale ke na le tse peli, e tšehali le e tona.

Seroki sa liphahlo

Tšepo o re: 'Na ke ile sekolong sa moroko sa Lady D Fashion Designer, 'me ka etsa lengolo la Certificate ka selemo, ha sa bobeli ke ile ka etsa Diploma. Ka sebetsa ke ntse ke kena sekolo, 'me ha ke qeta ka kena mokhatlo. Lebaka la ka ke hobane ha e sale ke le motho ea ratang boikopanyo le ho arolela ba bang litsebo tseo ke nang le tsona. Ke motho ea ratang ho apara hantle.

Ke etsa lintho tse latelang ka makhetha le boitelo bohle; mese ea manyalo, lisuit ka mefuta, liaparo tsa likolo, lishoeshoe ka mefuta ea tsona, li-gown, likharetene le tse ling tse ngata. Basotho ba tle re tla ba thusa ka sohle seo ba se hlokanng.

Keletso ho bacha

Re le bacha re hlokometse hore naha ea habo rona e tobane le qholotso e kholo ea tlhokahalo ea mesebetsi, 'me mangolo a thuto ao re nang le ona re tšoanela hore re ikakhele ka setotsoana ho bona hore rea ikopanya ho arolelana litsebo tseo re nang le tsona le ho ithehela mesebetsi. Ka boikopanyo ho ka ba bobebe hore tlhahiso ea rona e phahame. Ha re ka ikopanya re ka tseba ho etsa lintho tse tšoanang ka boleng bo phahameng.



ho ba koetlisa litabeng tsa boetapele kaha ho fihlile tlhokomelong ea mokhatlo hore boetapele e ntse e le bothata naheng ena mafapheng a fapakaneng a bophelo.

E re kaha bacha ba mokhatlo ona ba ikopantsa ho arolelana litsebo tse fapakaneng, kajeno re tlii'o bua le bacha ba ruileng likolobe le ba rokang liphahlo. Bona ke Tšepo Mafatle le Tebello Ratintši.

Leruo la likolobe

Tebello ea ruileng likolobe o re: Likolobe joaloka liphoofole tse ling, li hloka lijo tsa

rona re atleha ho li reka ho latela lenane leo mocha ka mong a nang le lona. Mocha ka mong o rua lenane le itseng lapeng habo ka tšehetso ea mokhatlo. E be re li kopanya ha re se re li isa 'marakeng ho li rekisa.

Leruo la kolobe ha se ntho e bonolo, empa ka lona ke atlehile ho kenya motlakase lapeng le ho isa bana beso ba babeli Sekolong se Phahameng. Ke rekisa lelinyane M800.00, leha katleho e le teng empa sello sa ka se sehlo ke theko e phahameng ea lijo, 'me re kopa 'muso ho re khahlamet-

FARM WITH PELEI LIT'SEBELETSO TSA RONA

POONE

Re rekisa poone e ts'ehla le ee ts'oeu e joang le ea liphoofole

BOSUPISI KA TEMO EA LIFATE

Re fana ka boeletsi mabapi le temo ea lifate tsa meru le litholona, paballo es mobu le litholihoeng. Re thusa le lihoai iqalla li polasi. Leho fana ka likhothaleto ho lihoai tse seng li qallie.

LINAOA

Re rekisa linaoa tse latelang: Lebeta Sugar beans Pinto

RE TSOARELA LIHOAI LITHUPELO

Ele mekhoha oa ho nchafatsa leho eketsa litsebo tsa mahlale, re tsoarela lihoai lithupele tsa temo.

LIKHOHO

Re rekisa likhoho, litsuonyana tse khoarahlana likoekoe le mahe a likoekoe

RE FUMANEHA

+266 535 214 97
Maseru, Mazenod Riverside.
facebook: Farm with Pelei

LIJO TSA LIPHOOFULO

Re rekisa lijo tsa phoofole tse siitsoeng eleng 'moko oa Linaoa, litlhaka tsa poone le lijo thollo tse ling.



Ba khetha ho ea litotomeng

Nthabeleng Seithleko

Musi oa Setereke sa Thaba-Tseka Tlali Mphafi, o re o tjametsoe ke bothata ba baithuti ba nyahlatsang sekolo ba ea lebollong kamor'a moo ba ea litotomeng. Tsena li hlaheletse puisanong le koranta ka la 16 Phupu monongoa.

O re taba ena e boima hobane ke kobo anela moo boholo ba bana ba potlaketseng leruo. O re bana ba bashanyana ke bona mahlatsipa a ketso ena ka bongata. O re ba lekile ho potoloha le likolo le metse ho fana ka thuto hore ba ele hloko kotsi e bakoang ke sena empa ho bonahala ba ntse ba hamela letlapeng.

A re ba ntse ba tsoelapele ho fana ka thuto sechabeng leha ho le boima kaha sesosa e le tlhokahalo ea mesebetsi moo bana ba tsamaeang ba il'o batlela malapa a habo bona pholoho le ho a phelisa.

Bothata bo bong ke ba hore bona bana bao, ha ba khutla litotomeng ba kena lenyalong ba le tlaase lilemong, ka hona a ipiletsa ho batsoali ho hlokomelisa bana ba bona kotsi ea ho kena lenyalong ba le lilemong tse tlaase.

A re ba tsoela ka mathe liketso tsena hobane ke tse ling tse kenyang letsoho litabeng tsa bophelo bo sa ntlafalang ba sechaba, li boela li baka bofutsana ho feta le ho thunthetsa bokamoso ba naha. A re leha ho le joalo bana ba bang ba qetella ba kena litabeng tsena hobane batsoali ba lahlile boikarabello ba ikela Nata.

Ka lehlakoreng le leng Mohlahlobi oa Likolo Thaba-Tseka Moleboheng Matlosa, o supile hore ho na le likolo tseo bana ba ntseng ba tsoa ka lehare ka mabaka a fapakaneng, empa ba bang ba ile ba khutlela kamor'a hore 'Muso oa Lesotho o fane ka khahlametso ea seaparo sa sekolo, ha ba bang ba eba le bana lilemong tse tlaase, ba bang ba ea litotomeng.

A re ba tsoere ka thata ho bona hore ba fana ka thuto sechabeng ka bohlokoa ba thuto le ho thusa bana ho



utloisisa bohlokoa ba thuto kholong ea bona. A re ba hloka ho tsoarana ka matsoho e le mafapha ohle ho bona hore ba hlola liqhohlotso tsena molemong oa bophelo bo botle ba sech-

aba. H'a phethela, o itse 'Muso oa Lesotho o ile oa kenya tšebetsong morero oa tšehetso ea seaparo sa sekolo ho baithuti, ba Sephlopha sa Borobeli, Boro-

bong le Leshome Likolong tse Bohareng ho bona hore baithuti ba khutlela sekolong ba e-na le boitšepo joaloka ba bang. A re taba ena e fokolitse ho tlohela sekolo ha baithuti ba bangata 'me

thahasello e bonahala e le holimo ea ho kena sekolo.

O re ba tsoere ka thata ho bona bana bohle ba kena sekolo, ba e-na le seo ba sejang kaha phepo e le teng likolong.

YOUR BEAUTY ADVISOR

LOWER PRICES

📍
HA-ABIA MASERU

- .PERFUMES
- .BODY LOTIONS
- .HAND LOTIONS
- .MAKE UP
- .BODY SPRAYS
- .ROLL-ON
- .FASHION
- .TONER

CONTACT

LITS'OANELO MOTS'EARE

63913441 / 53658920

Nini Mots'eare f

Avroy Shlaini

True Beauty Shines

Mofetše o qeta Basotho-Mokhothu



Nthabeleng Seithheko

Ma le fane Ratšoane o re mofetše o bo laea mofumahali oa hae eo a khutlisitsoeng Bloemfontein Naheng ea Afrika Boroa a sa fumana kalafo. O buile tsena nakong eo Komiti ea Paramente e alositseng Ntlafalo le Boiketlo ba Sechaba, e neng e etetse Sankatana Oncology Clinic Maseru, ka la 16 Phupu monongoaha.

O re ho latela maemo o ntse a tela mofumahali oa hae letsatsi le letsatsi hobane o imetsoe ebile o na le maqeba, 'me o se lekile ho ipolaea ka ho noa lithhare tsohle tseo a li filoeng ke ngaka. O re leha ho itsoe ba khutlele setsing Bloemfontein ha lumele ba tla thusoa hobane ho thoe libethe li tletse le 'muso o kolota setsi seo.

Mokuli e mong tšeroeng ke mofetše oa mali 'Masetoto Molise, o supile a qalile ho ba le mofetše ona ka selemo sa 2022; a sa khone ho tsamaea limpa li ruruhile, hoo le mahlo a hae a ileng a ameha. Ka hona ho hlola boemo bona o hloka lithhare tsa M300.00 eo a se nang eona, ka lebaka lena o kopa lithhare hobane bophelo ba hae bo tlakotsing.

Mofolo Phohleli o supile hore esale a kula Sankata-

na e mo hlokomela hantle, empa ha e le Sepetleleng sa Sehopotso sa Mofumahali 'Mamohato (QMMH) bakuli ba tšoaroa hampe. O re ntho e bohloko ke hore

ha ba ile ba ngolloa lithhare Setsing sa Bophelo Bloemfontein ho thoe ba tla li fumana kahar'a naha, ha ba fihla hae mona ha li eo.

O re ba khathetse matla

ho bona lefu lena le qetang bophelo ba bona le nkuoe hanyane, ka hona a ipiletsa ho Basotho ho itlhokomela khahlanong le lefu lena hobane le ho okoa ha lona feela ho turu.

Mookameli setsing sena Dr. Kabelo Mputsoe, o supile hore baoki ba sebetsa bosiu le motšoare ho bona hore bakuli ba mofetše ba fumana thuso, leha ba hloka likoloi tseo ba li sebelisang nakong eo ba lokelang ho nka maeto ka phirimana.

O re mofetše ke lefu le liqholotso li ngata ka lebaka leo ba kopa 'Muso oa Lesotho ho sebetsa ka matla ho bona hore Basotho bohle ba fumana kalafo ka nako kaha le nama ha bobebe.

Molula-Setulo oa Komiti e alositseng Ntlafalo le Boiketlo ba Sechaba Makhalanyane Mokhothu, o supile hore ho tloha ka selemo sa 2011, ho lokela hore ebe ho ahiloe setsi sa kokelo sa lefu la mofetše empa ka lebaka la bokhopo ba Basotho ba bang seo se sitoa ho phethahala ka lebaka la

litsekisano. O re ke ntho e bohloko ho bona Basotho ba itšela ka meokho naheng ea habo bona ba sitoa ho fumana bosebeletsi bo tsoileng matsoho, hobane ba lokelang ho ba sebeletsa ba iphethotse bahlorisi ba bona.

O re o tšoenyehile ke litšebeletso tsa bophelo tse kikitleng kahar'a naha le lithhare tseo batho ba sitoang ho li fumana Letsing tsa Bophelo empa 'muso o lefella litšebeletso tse joalo ka lebaka la bokhopo ba batho ba nkang lithhare ho li rekisa litsing tse ikemetseng.

O bontšitse komiti ea habo e tšoare ka thata ho bona hore litšebeletso tsa bophelo e ba tse ntlafetseng, e le hore Basotho ba tsebe ho ea litsing ho fumana kalafo e thusang bophelo ba bona. O re ba ke ke ba khutsa ba tla loana ho fihlela bahlanka ba utloisisa mosebetsi oa bona le ho o etsa ka nepo. O phethetse ka hore mofetše o lokela ho loantšoa ka litsela tsohle hobane o qeta sechaba.

REO U THUSA KA LITJEO TSE TLASE

LIKOANKOETLA CONSTRUCTION

Mosebetsi o makhetha ke lelomolo la rona.



Re etsa tse latelang;

- Re Cheka likoti tsa toilet
- Re aha litoilet
- Re aha Malaene
- Re aha matlo
- Re aha lihoko tsa lifariki
- Re ea plaster-a
- Re ea rulela

Sebakeng sa lintlha letsetsa;

+266 6280 8452

700,000 e maqakabetsing

Nthabeleng Seithleko

E mong oa bacha ba sebetsanang le lijo-thollo Simon Phakela, Butha-Buthe, o re Basotho ba tlameha ho lema masimo le maemong ana empa ba sebelisa lipeo tse mamehang mongobo. O boletse tsena puisanong le Koranta ka la 17 Phupu monongoaha.

O re masimo a ke ke a lala hobane ho thoe komello e teng ka hoo ba lokela ho tla ka mahlale a ho ba le lijalo maemong ana. O re Naha ea Lesotho e na le metsi empa bothata ba Basotho ke ho isa metsi haufi le masimo 'muso o ka tlatsetsa ka ho matlafatsa mekhoa ea noesetso ba sa khethe batho ho latela mekha ea lipolotiki ha fela ba rata ho hlola tlala.



O re ho bohlokoa hore batho bohle ba eelloe hore ha ho sa na mohla ho tla fetoha maemo ana, ka hona ba amohela hore ba tl'o phela le ona. O re se etsang hore a lule

a lema ke ho sebelisa moiteli oa liphoofole hobane a ithutile hore temo ea hae ea atleha kaha e mamella letsatsi ebile e boloka mongobo.

A eletsa Basotho ho

khutlela mekhoeng ea khale ea ho etsa lintho molemong oa bophelo bo botle, boipheliso le boikhollo bofumeng.

Ho sa le joalo ka la 12 Phupu monongoa-

ha, Tona-Kholo Samuel Ntsokoane Matekane, o entse phatlalatso ea hore sechaba sa Basotho se balloang ho 700,000 se tlokotsing ea tlala selemong sena. Maemo ana a komello ho leptjoa hore a tla mpefala hoo boteng ba lijo bo tla qepa le mekhoa ea boipheliso.

A re ba tla khahlametsa sechaba ka mesebetsi ea ntlafatso metseng nakong ea selemo, hape ho tla boela ho khahlametsoe sechaba se tlokotsing ka lijo nakong ea likhoeli tse tšeletseng. O re 'muso o beheletse ka thoko chelete e kaalo ka M200Millione ho thusa malapa a tlokotsing ea tlala.

O supile ka lebaka la maemo ana a phatlalatsa koluoa ea tlala kahar'a naha, ka hoo mafapha ohle a kenye letsoho hore Basotho ba tsoe bothateng bona.

FARMERS PITSO AWARDS 2024



HALALA! HALALA! HALALA! OA LALA OA SAAALA!

FAMERS PITSO AWARDS – a platform for celebrating individuals' or organizations achievements in agriculture, are back on the 6th and 7th September 2024 at the Manthabiseng Convention Centre in Maseru. Nominations are open. The aim is to shine a light on phenomenal work across the industry, recognise, and honour Basotho farmers with outstanding contributions to the agricultural sector. (See our Facebook page-Farmers Pitso for details on how to enter or nominate someone/oneself).

Ba tsetselela litsiane

Nthabeleng Seithleko

Mokhatlo oa Basebetsi ba mehleng ba Merafo ka koproanelo le Mekhatlo e Ikemetseng, ba kopa 'Muso oa Lesotho o ba namolele hore ba fumantšoe litsiane tsa bona tsa ho angoa ke lerole la merafo (Silicosis le TB) ka Kampani ea Tšiamiso Trust Fund e thehetsoeng ho ba lefa. Tsena li hlaheletse tulong ea komiti e alosang boiketlo ba sechaba le mafapha ana, ka la 15 Phupu monongoa.

Mookameli oa Mokhatlo oa Basebetsi ba mehleng ba Merafo Rants'o Bantsi, o re Basotho ba bangata ba lokela ho fumana matšeliso a bona ntle ho liphelelo tse boima tseo



ho bonahalang Tšiamiso Trust Fund e batla ho tla ka tsona, kaha boholo batho b'a kula ebe ba hloka hahala ka lebaka la mafu a bakiloeng ke ho sebetse merafong.

Ba kopile 'muso ho thusetsa haholo ka ho etsa molaetsa ho batho ba lulang hole, haholo bana bao batsoali ba

bona ba ileng ba sebetse merafong.

Molula-Setulo oa Komiti Makhalanyane Mokhotu, o supile hore ba tl'othusa batho bohle ba angoeng ke maemo ana ba ho fumana litsiane kaha ba se ba etse tšisinyo ea hore paramente e thehe komitjana e tl'o sebetse na le litaba tsena le mafa-

pha ohle a sechaba. A re molemong oa ponaletso ba tla sebetse 'moho le mekhatlo.

Lebitsong la Lekala la Khiri le Bosebetsi Mpinane Masupha, o bontšitse hore litaba tse na ke qholotso e kholo kaha ho se phetsetsano ea melaetsa ka tsela e nepahetseng. A re ba hloka hore Basotho bohle ba fumane melaetsa hore ba tsebe ho fumana lichelete tsa bona.

O itse khaello e kholo ke ho se tsebe litokomanane tse hlokoang e leng se etsang hore litaba tsa bona li tsamae ka letheke-etheke. A re ba tl'o ema le Basotho ho bona hore ba fuoa thuso e lokelehang.

Mookameli oa Ts'iamiso Trust Fund Monyatsi Kwindi, o bontš'itse hore mosebetsi oa bona ba o etsa ba ipapisitse le kahlolo e neng e fanoe ke makhotla ea hore ho tšelise mahlatsipa a angoeng ke lerole la merafo, ha TB e le leng la mafu a tlatsetso. A re bao ba fuoa lichelete kamor'a ho hlahlojoa ke lingaka ho ikholisa hore motho ea joale e fela a amehile. O re TB e tšoara motho leha a se morafong ka hoo motho ea tšelisoang ke eo e ileng ea mo ts'oara bonyane likhoeli tse 12 a tsoile morafong.

A re ke 29% ea batho ba se ba fumane matšeliso, 'me lithahlobo tsa bona

hangata li sibolla hore ho batho ba 10 bonyane ba bararo ba fumanoa ba e-na le lefu lena.

O re ba lefa batho ka mekhahlelo 'me motho ha hlaha mokhahlelong oa pele oa silicosis o lefshoa chelete e kaalo ka M 78, 000.00, oa bobeli M168, 712.00, oa boraro M281, 181.00, ha mokhahlelong oa bone a lefshoa M560, 000.00. Ha e le ba seng ba hloka hore o itse ba fuoang matšeliso lebitsong la mofu ba fumana chelete e kaalo ka M112, 475.00 le M78,732.00 ho ea ka mokhahlelo.

O tsoetsepele hore bakuli ba lefuba bona ba fumana matšeliso a chelete e kaalo ka M56, 237.00 ha motho a oela mokhahlelong oa pele, ebe ho oa bobeli e ba M112, 475.00. A bontš'a hore ho fihlela ha joale ke 43% ea Basotho e seng e lefuoe, ho ba ileng ba kenya likopo tsa matšeliso.

H'a phethela o re qholotso eo ba kopanang le eona ke tsela eo ho ngo loang litokomaneng tsa batho ba hloka hetseng, ka hona a hlalosa hore ho lokela ho hlalose ka kotloloho lefu le bolaileng motho hobane haeba motho a sa angoa ke mafu a boletsoeng ho se matšeliso a fanoang, ho feta moo ketsahalo ena e isa moo ba lokelang ho etsa lipatlisiso tse nkang nako e telele.





LESELI SHEQ Consulting and Training
— LESELI FOR YOUR BUSINESS —

come and learn new skills with us

HEALTH AND SAFETY SHORT COURSES

We offer

- Advanced First Aid
- Inspect Access Scaffolding
- Erect, use & Dismantle Access Scaffolding
- Basic Fire Fighting
- INVERSTRAC
- HaS/SHE Rep
- Working at Heights
- HIRA
- Phlobotomy
- SUPERTRAC
- Infection Control
- e.t.c

Note that LESELI SHEQ CONSULTING & TRAINING is registered with Ministry of Education and Training under Technical Vocational Department (TVD) as guided by TVT Act of 1984

TRAINING





For Bookings

Website is under construction




6369 5086 / 5610 0987



info@leselisque.co.za




MOB KIDD'S

EDUTAINMENT

TLOTLONTSOE

Puzzle MOB 92-4535




Across

- 4 Lentsoe le leng le bolelang ho otl'a.. Ho..... (8)
- 6 Tsetela (5)
- 7 Metsi (9)
- 11 Ngoan'eso e moholo (9)
- 12 Motoho (12)
- 16 Ho isa masapo ho beng. Ho..... (7)
- 17 Pitsa e nyenyane (11)
- 19 Mofuta oa bashanyana (9)
- 20 Moo ho tebileng kahar'a noka. (6)
- 21 Mokhoa oa puisano le Molimo (7)
- 23 Ho hloa setha. Ke ho..... (8)

Down

- 1 Lenyeketha (6)
- 2 Seitšireletso sa ntoa (5)
- 3 Liphate (5)
- 5 Moroho oa naha (8)

- 8 Ketso ea tlhahlobo ea ngaka ea moetlo. (5)
- 9 Khoeli e nang le letsatsi la ho thesa batho. (4)
- 10 Ngoan'eso e monyenyanane (5)
- 13 Katse ea naheng (5)
- 14 Lemati (7)
- 15 Ho ba khahlanong le leshano. (4)
- 17 Ngoanana ea e-s'o angoe ke bahlankana. (10)
- 18 Katiba ea letlalo (6)
- 22 Tsela (4)



SOLUTIONS: MoB92-4533



TSA KEREKE

Jubilee ea Pelo

Staff

Bakriste ba Kereke e Katholike ba Paray-le-Monial Naheng ea France ba simolotse leeto la ketekelo ea bo-350 ea Jubilee e Kholo ea Pelo e Tlotlehang ea Jesu, tše-

tšoaroa likerekeng tse fapakaneng lefatše ka bophara ka la 27 Phupjane isao. H'a laea bakriste Motsamaisi oa Paray-le-Monial Fr. Etienne Kern o boletse hore molaetsa o fuperoeng ke Jubilee ena ke kopo ea ho tšelisa Morena Jesu Kriste le ho tsamaea le eena moeeng mahlomoleng a hae Thabeng ea Mehloare.

acoque li totobatsa bonolo le boikokobetso ba Pelo ea Jesu."

A re Jubilee ena e boetse ke memo ho batho bohle ea ho itumella ho chesoa ke lerato la Pelo ea Jesu, ho khutlisa le ho ba le kutloelo-bohloko bakeng sa lefatše. A qetella ka hore leeto lena la ho itokisetsa mokete o moholo oa Pelo ea Jesu o tlang ho ba ka la 27 Phupjane isao, ba le hlophisitse



beletsong e bileng Kerekeng ea Sacred Heart of Paray-le-Monial, Tikolohong ea Bourgogne ka la 18 Phupu monongoaha.

Jubilee ena e ne e thakholoe ke Rabalumeli ka la 27 Tšitoe ngoahola, 'me e tl'o fihla pheletsong ka mokete o moholo o tl'o

A kopa Makatholike lefatše ka bophara hore a se ke a fokotsa Pelo e Tlotlehang ea Jesu "hore e be boemo ba eona ba ho baka le ho hlekefetsoa kapa ho ba mofuta oa folakha bakeng sa bakriste, e se re ra fosa ntlha ea boinehelo bona ka ho felletseng. Lipono tsa Al-

ka ho tsoelapele ho tšoara matšolo a thapelo a ho inehela ho Pelo e Halalelang ea Jesu. O boetse hape o na le Video ea mehato e 12 e buang ka litaba tsa Pelo e Tlotlehang ea Jesu.

-CNA-



2023-2024 SELEMO B

Sontaha sa 16 har'a selemo




Jeremia 23,1-6

Pesalema 22

Ba-Efese 2,13-18

Mareka 6,30-34



Khothatso

Ho ba ntho e le 'ngoe le Kriste

Mehlang ea Jeremia, kamor'a ho soabisoa ke lekala la boprista la Ba-Levi Morena o ile etsa tšepiso ea hore o tla bokella mohlape oa hae oo a o qhalakantseng linaheng tse ling, ho o etsa ntho e le 'ngoe. (Jeremia 23:3) Joalokaha tumelo ea lona e le bolella, Molisa ea Molemo, Jesu Kriste o ile a tela bophelo ba hae bakeng sa linku tsa hae. (Joannes 10:11)

Jesu Kriste o ile a tela bophelo ba hae e le ho khutlisa 'Musu oa hae oo Satane a neng a o hapile (Tšenolo 12:10-1) ka ho se mamele ha batsoali ba rona ba pele, Serapeng sa Eden. O entse tsohle e le ketso ea lerato le mohau oa ho le boelanya joaloka bana ba Morena ba mamelang Lentsoe la hae (1 Joannes 2:5), hape e le hore le be ntho e le 'ngoe joalokaha Ntate le Mora e le ntho e le 'ngoe. (Joannes 11:17)

Joalokaha le utloile Thutong ea Pele, Morena o ile a etsa tšepiso ea ho bokella mohlape oa hae o qhalakaneng, 'me ka Boprista bo Halalelang Kerekeng e Halalelang e Katholike boprofeta bona bo phethahetse. Molimo Ntate o ile a etsa tšepiso hore letlobong la Davida o tla tsosa Khosi e tla busa ka toka le ho loka. Ka Eena e leng ea lokileng lichaba tsohle li tla pholoso; 'me sena se phethahetse ka mali a Morena Jesu (1 Joannes 2:1) eo bohle re fumang ho loka ka eena. (Ba-Roma 4:25)

Pele ho tlhatsuo ea lona le ne le le hole, le hlahile sebeng 'me la tlhelo a ho shoa 'meleng le moeeng. Empa ka Morena Jesu le tiisitsoe haufi, ka Sakramente ea Tlhatsuo le tumelo le fuoe tšepo e phelang ea pholoho. Ka 'musu oa moea oo a o thehileng lefatšeng Morena Jesu o heletitse lerako leo e leng lithoriso lipakeng tsa merabe, lichaba le meetlo. (Jakobo 3:17) Kriste o tlile lefatšeng ho tla phatlalatsa khotso 'me ka Eena bohle ba na le kabelo ka Moea ho Molimo Ntate.

Evangeling le utloa hore baapostola kamora ho khutla moo ba neng ba phatlalatsa lentsoe, ba ile ba khobokana pel'a Jesu 'me ba tlalehela tsohle tseo ba li entseng 'moho le tseo ba li rutileng. Mona bohle re hlokomela boikarabello, baapostola ba tlaleha kapel'a Kriste eo e leng hlooho ea Kereke e Halalelang e Katholike eo a e thehileng lefatšeng.

Joalokaha baapostola ba tlalehela Kriste, babishopo le bona ba etsa joalo ho Ntate ea Halalelang mabapi le litaba tsohle tse amanang le tumelo litikolohong tseo ba li alositseng. Baapostola ba ne ba hloka nako ea ho phomola kapa ho ikhutsa, 'me sena se tšoana hantle le seo Mopapa le babishopo ba fetang ho sona. Ka lebaka la ho etela linaha tse fapakaneng, ho ba le likopano le bapolotiki le babusi, ho etsa Sehlabelo se Halalelang sa 'Missa, ho etela balumeli ha ba na le eona nako ea ho lokisa likhothatso tsa bona.

Ke batho joaloka 'Na le uena ba hloka nako ea ho ba mong, joalokaha le utloile Evangeling hore Kriste le baapostola ba hae ba ile ba nyonyoba ho ea sebakeng se khutsitseng ho imamela. Ka lebaka la ho tsebahala batho ba ile ba ba fumana, 'me Kriste a ba utloela bohloko hobane ba ne ba ka mohlape o se nang molisa. Bekeng ena ha re ntse re nahana ka Lentsoe la Morena, re ipotse na re mamela hlooho ea Kereke e Katholike na? Menahano, mantsoe le lipolelo ha li hlabane le pitso ea rona ho Kriste eo e leng ntho e le 'ngoe le Molimo Ntate? Ha e mong oa rona a khelohile tseleng ea tumelo, re khutle bofokoling boo ba botho 'me re amohela kelello ea moea e le hore re tle re khanye lefatšeng joalokaha re bilelitsoe joalo.

Bahalaleli har'a Beke

- 22 Phupu Movean
- 23 Phupu Romlua
- 24 Phupu Lewina
- 25 Phupu Nissen
- 26 Phupu Joachim le Anne
- 27 Phupu Malchus

E tšoara liteko

Tšeliso Thakholi

Sehlopha sa bolo ea maoto sa Mokhahlelo o ka tlaase oa A Division, Members FC se tlii'o tšoara liteko tsa bolo ea maoto Machekoaneng, Mazenod ka la 20 Phupu 2024, ka sepheo sa ho hloaea lipapali tseo e ka bang karolo ea sehlopha selemong sena se secha sa lipapali.

Puisanong le e mong oa lipapali ebile e le mokoetlisi, Monghali Lekhooa Tšolo o boletse hore liteko tsena li buletsoe lipapali tsohle tsa mekhahlelo ea U20, C Division, B Division, A Division le tse kholo tsa Premier League. A bontša hore kamor'a ho li phethela ba hloka feela bonyane lipapali tse robeli, tseo ba tlang ho matlafatsa sehlopha ka tsona.

A re ha ba na ho nka sebakali feela hobane se bapala maemong a itseng, empa ba hlile ba hloka kannete le ka tieo lipapali tse tlang ho ba thusa hore monongoaha ba nyolohela Liking e Kholo ha selemo sa lipapali se fi-



hla pheletsong. A re ba tli'o boela ba eketsa lipapali tsa U/20, e le ho qoba bothata bo ileng ba hlahela sehlopha ngoahola ba linyeoe, e leng sona sesosa se ileng

sa se ama 'me sa hloloa ho nyolohela lihlopheng tse kholo.

A tiisa hore ha joale ha ba na morero oa ho fetola bakoetlisi kaha ba teng ba

Tsoako. A re eena ke mothusi oa bakoetlisi nakong eo ba leng sieo lebaleng ka mabaka a mosebetsi.

A thetha ka hore kamor'a liteko tsena ba tla qala boitukiso ba lipapali tsa liki ho tloha ka la 1 Phato monongoa-

ntse ba e-na le chebelopele e tšoanang ea ho hapa liki monongoaha. A re mokoetlisi e ntse e le Monghali Masupha Letsie, motlatsi oa hae ke Monghali Thabiso

ha. Sehlopha sa Members se phethetse selemo se fetileng sa lipapali se le maemong a bobeli, 'me e boetse e le bompoli ba A Division Nedbank Cup.

Mazenod e bopa setsoalle



Tšeliso Thakholi

Mokhethoa oa lihlopha tsa bolo ea maoto tse bopiloeng ka lihlopha tse 19 tsa tikoloho ea Mazenod le mathoko, o phethetse litlholisano tsa

ona tsa Mariha ka katleho e kholo, moo mokhethoa oa FC BASA o ikhapetseng chelete e kaalo ka M1, 300.00 le bolo kamor'a ho hlola oa Patlellong ka 5-4(1-1) thahong ea mekoko, lipapaling tsa mapomelo tse bileng Lebaleng la Malakabe, Mazenod ka la 12 Phupu 2024.

Lihlopha tsena li thulana tjena kamora hore bekeng e fetileng FC BASA e tsoe ka lesoba la nale ha e ne e sasara mokhethoa oa Mabetlela ka 2-1 thahong ea mekoko, ha ka lebaleng papali e ile ea fela li bapetse ka seahlolo sa 2-2. Ka mokhoa o tšoanang Patlellong e ile ea pola Monneng ka pha-

fa ea 2-1.

Leha e le hore mokhethoa oa Patlellong o ne o bonahala o qalile litlholisano tsena ka sehlo se holimo, lehlohonolo leo la bona le ile la feta joaloka moholi ha letsatsi le chaba kaha o bile maemong a bobeli, ha Mabetlela le Monneng li bile boemong ba boraro le ba

bone ka tatellano.

Puisanong le e mong oa bahlophisi ba litlholisano tsena, Monghali Thisa Libe o boletse hore morero o moholo oa litlholisano tsena ke ho bokeletsa lipapali tsa mekhahlelo e fapakaneng ea tikoloho ea Mazenod ho thaba 'moho, ba tsebane le ho holisa talenta ea bona. A re li boetse li reretsoe ho qobisa bana litlolo tsa molao, tšebeliso e mpe ea tai le ho bopa setsoalle.

A re ho tloha lipapali tsena li qalile, lilemong tse tharo tse fetileng kholo e bonahala e le teng papaling ea bolo tikolohong ea Mazenod kaha ho se ho bile ho e-na le lihlopha tse ncha tsa bolo ea maoto ea banana. "Le litlolo tsa molao li batla li theohile haholo ho tloha e sale re qalile lipapali tsena." A rialo.

A phethela ka ho ipiletsa ho bahoebi ho etsa letsoho la monna, ka ho tšehetsa lipapali e le hore ba tsebe ho ntša litlolo tsa molao ka metso tikolohong ea Mazenod.

Bangoli b'a ichorisa



Moifo oa barupeluo ba COSAFA.

Tšeliso Thakholi

Mongoli e Moholo oa Mokhatlo o Tsamaisang Bolo ea Maoto Lesotho(LeFA) 'moho le Phala ea ona Mokhosi Mohapi le Mikia Kalati, ba tlohile kahar'a naha ka la 17 Phupu monongoaha, ho leba Johannesburg, Afrika Boroa thupelong ea matsatsi a mahlano e holima tsamaiso. Thupelo ena e kenetsoe ke bangoli-kakaretso 'moho le setho se le seng se phahameng sa bongoli, ho tsoa mokhatlong ka mong oo e leng setho sa COSAFA.

Barupeli thupelong ena ke mongoli-kakaretso oa mehlang oa COSAFA, e bile e kile ea eba President ea Mokhatlo oa Bolo ea Maoto oa Botswana(BFA), Monghali Ashford Mamelodi.

Ho sa le joalo, lihlopha tsa naha tsa bolo ea maoto tsa ba lilemo li ka tlaase ho 20 le 17 tsa Makhoanyane XI le Bahlabani li tlohile kahar'a naha ka Laboraro bakeng

ena, ho leba Durban, Afrika Boroa moo li tlang ho bapala lipapali tsa setsalle le sehlopha sa Amazulu le Sekolo sa Papali ea Bolo ea Maoto sa Kwa-Zulu-Natal ka la 20 Phupu monongoaha.

Phatlalatsa e ntšitsoeng ke Phala ea LeFA Mongh-

ali Mikia Kalati o bontšitse hore lipapali tsena ke karolo ea boitukisetso ba lihlopha tsena tse peli, bakeng sa litlholisano tsa Mohope oa COSAFA tsa ba lilemo tse ka tlaase ho 20 le 17, 'moho le tsa ho loanela ho kenela litlholisano tsa Mohope oa Lefatše le oa Afrika.



Bakoetlisi ba lihlopha ka bobeli ba bile ba phatlalatsa mabitso a libapali tse tlang ho e hlanaka lipapaling sena. Libapali tse khethileng ke tse tsoang literekeng ka ho fapakana ha tsona.

Ho feta mona, LeFA e thakhotse thupelo ea let-satsi le le leng Bambatha, Maseru ka la 18 Phupu monongoaha e holima ngoliso ea libapali ka FIFA Connect bakeng sa lihlopha tse kholo tsa Premier League. Ke hona thupelong ena Lefapha la Club Licensing le tlang ho rupela boemeli ba lihlopha tse ncha tsa A Division e leng Liponono le Litšehlo ka mokhoa ona oa sejoale-joale oa ngoliso ea lihlopha oa Club Licensing.

Ba rugby b'a tjekana

Tšeliso Thakholi

Lihlopha tse tšeletseng tsa Rugby ea Libapali tse Supileng(Seven Asides) tsa banna le basali, li tla tjekana lipapaling tsa ho tšoa ea ketekelo ea let-satsi la tsoalo la Motlotlehi Letsie III. Lipapali tsena li tliil'o tšoareloa Lebaleng la Sepolesa, Ha Mabote ka la 20 Phupu monongoaha.

Ho ea ka motsamaisi oa papali ea rugby ebile e le e mong oa bahlophisi, Monghali Morapeli Motaung lihlopha tse tla nkhisetsana mahafi ke tsa Seven Asides feela, tse kenyeletsang har'a tse ling Mabote Beavers, Liqhomane, Mabita Gorilla, Lesotho Rugby Academy, Mabote Beavers, Maseru Warriors le NUL Spears.

A re leha lipapali tsena li reretsoe ho tlotla letsatsi la tsoalo la Khosi Rabasotho, sepheo sa mantlha e ntse e le ho holisa le ho matlafatsa papali ea rugby kahare ho naha le ho kenya moea

oa lerato la papali ho bacha lilemong tse tlaase. A re ba boetse ba fa libapali tse bapalang ho Seven Asides monyetla oa ho iponahatsa le ho ipabola kaha ho se ho e-na le liki e ntseng e bapala ea libapali tsa Fifteen Asides.

A bontša hore ho tla ba le limpho tse tlang ho fanoa ho libapali le lihlopha ka ho

fapakana ho latela bokhabane le boqhetseke boo li tla bapela ka bona. A supa hore morero ke hore lipapali tsena li tšoare selemo le selemo, empa ke hona ba tla teka kopo ea bona ho bafani.

A ipiletsa ho sechaba, barati ba papali ea rugby, batsoali le bana ho tla keteka 'moho letsatsi la tsoalo

la Motlotlehi Letsie III, ka ho tla boha le ho shebella papali ena. A tiisa hore ho kena lebaleng bakeng sa ho tla boha lipapali ke mahala. "Re hiile re se ntse re na le lihlopha tse matla haholo tsa papali ena. Bacha ba lokela ho hlokomela hore rugby ke papali e monate haholo ho feta tse ling." Ke Motaung eo.



Bokoetlisi bo hloka mamello

Staff

Koranta e bile le puisano le e mong oa bokoetlisi ba ntseng ba hola papaling ena ea bolo ea maoto kahar'a Naha ea Lesotho. Ke e mong oa ba qalileng bokoetlisi ka mokhoa o thata haholo ho late-la mesebetsi e neng e mo apere nakong ea ho qala. Empa ha joale o se a ka hlahella bakoetlising ba seng ba e-na le boiphelole leha ba sa ka ba eloa hloko. Mokoetlisi Ntlaloe o ikotla sefuba ka ho ba le sebapali se hapang likhau tse peli moketjaneng o sa tsoa feta oa likhau tsa Vodacom.

Tšusumetso eo mokoetlisi Ntlaloe a bileng le eona hore a qetelle a khahloa ke bokoetlisi

Esale ke rata bolo leha ke sa e bapala haholo empa ha ke fihla LUCT team e neng e bapala LUCSA games ba ne ba kope hore ke il'o ba thusa sehlopheng sa sekolo, eaba ke se ke rata

senyenyane lilemong, empa 'na ke na le mokhoa oo ke o ratang haholo oa ho bona hore sebapali se qala pele ka hoba e boitelo. Sena se tliša hore sebapali seo se ikutloe se amohelohile papaling ea bolo le kahar'a sehlopha sa rona. Hape se nthusa hore sebapali se be le tšantjello ea ho rata ho ba teng boikoetlisong ba letsatsi le letsatsi. Ebe ha morao, ke sebetsana le litaba tsa mantlha tsa bolo joaloka ho lokisa mokhoa oa ho amohela bolo ho tsoa ho sebapali sa habo, le mokhoa o nepahetseng oa neheletsana oa habo (basics). Joale ea ho qetela ebile e le bohlokoa keho khothatsa libapali tseo tse nyenyane le ho khothatsa libapali tse khohlo ho ba tšehetsa ba sa ba tenehele kapa hona ho ba tlaka kahar'a papali. Ana ke maoala ao ke boneng a nts'ebeletsana haholo.

Likatlheho

Ho bile le linako tse bileng monate haholo sehlopheng sa ka, 'me nka qolla ha sehlopha se ne se qala ho bapala lipapali tsa liki ea A Division, 'me moo re ile ra tsoa boemong ba bobeli e le selemo sa rona sa pele.

hlopha, Lemohang Lintša, a neng a nka khau ea ho ba mohlaba-lintlha ea hloahloa selemong sena se sa tsoa fela sa lipapali. Sena se bontšitse boikittlaetso bo boholo ba mohlankana ka tšehetso ea sehlopha ka kakaretso.

Karolelano ea mosebetsi oa sekolo le oa bokoetlisi

Taba ea ho sebetsa mosebetsi o kang ona oa ka joale ke o kopanya le oa bokoetlisi ha se ntho e bonolo, haholo ona oa bokoetlisi ke 'ona o neng o batla o le boima hobane ke ne ke sebetsa ke le mong likarolong tse 'maloa tsa sehlopha. Lehlohonolo leo ke bileng le lona feela ke hore sehlopha sa ka se ne se sa ntšokulise ho hang, sena se ne se etsa hore mosebetsi oa ka o be bobebe le hore ke shebane le oa mathomo o mpehileng kahar'a sekolo sa mahlale.

Maqheka le maoala ao mokoetlisi a sebelisitseng ho thusa mohlaba-lintlha

Ntho e khohlo ebile hore a tsebe hore joaloka sehleleng ea pele ha re sa le ho 'A division' h'a nka khau ea ho ba



sa phethahala. Empa o ile a sebetsa ka thata hore a fihle moo a leng teng kajeno, 'me sehlopha se motlotlo ka seo a se fihletseng.

Seo mokoetlisi a se etsang ho kenya boitšoarole le bonngoe sehlopheng sa hae

le batla le etsa hore lintho tse ngata tseo re ralileng ho li etsa, li etsahala ka nako e khutšoane hobane ba batla ba re khahlametsa haholo ntlheng eona ea boitšoarole. Ka hona sena se etsa hore sehlopha se be le chebelopele e tšoanang ka nako eohle. Bonngoe boo re nang le bona bo bapala karole e khohloali hobane e le libapali, ba thusana ho ka khahlelana le pele taba e ka fihla ho rona joaloka bokoetlisi.

Mosebetsi oa sekolo

Ke Director Quality Assurance and Academic Delivery ka hona ke sebetsana le mesebetsi e tomahali joaloka ho bona hore manane-thuto a rutoang sekolong a ntse a nepahetse ho latela meralo ea sekolo, le hore e rutoa ka tsela e nepahetseng. Ho feta mona ke boikarabello ba ka ho etsa bonnete ba hore litichere le baithuti ba sireletsehile ho etsa mesebetsi ea bona ho se tšitiso ea letho. Joale e 'ngoe ke ena ea ho akofisa kapa hona ho etsa bonnete ba hore ho ba le academic calendar of event. Hore sekolo se hole, ho hloka hore ho amoheloe baithuti ba bacha, 'me sena ke e meng ea mesebetsi ea ka eo ke lokelang ke etse ka bokhabane bo bohohlo. Ka mokhoa o tšoanang, sephetho sa lihlahlobo tsa baithuti se tlameha ho etsoa ka nako e nepahetseng ho latela meralo. Ke thatiseletse ka e meng ea mesebetsi ea ka e leng ho etsa bonnete ba hore manane-thuto (programme) a sekolo a fumana 'accreditation' ka nako e nepahetseng e le ho akofisa kapa hona ho eketsa manane-thuto a sekolo.



ho ba mokoetlisi haholo ka morao hore re sebetsane hantle le eona re nke mohope makhetlo a mararo ka ho latellana.

Mekhoa ea mokoetlisi ho ka bopa kapa ho otlala libapali tsa hae tse nyenyane kahar'a sehlopha

Mekhoa e ka ba mengata eo rona re le bokoetlisi eo re e sebelisang ho aha sebapali, haholo se se

Hape re ile ra fumana metsotso ea nyakallo ha re ne re atleha ho kena Liking e Khohlo ea Vodacom lekhetlo la pele nalaneng ea sehlopha; kamor'a ho li paputla liking e ka tlasana. Ke bolela hore re fihlile mona ka ho sebetsa ka thata, re sa ka ra reka boemo ba sehlopha sefe kapa sefe. Ke qetella ka motsotso o sa tsoa feta moo mohlaba-lintlha oa se-

mohlaba-lintlha le selemong sena ho na le khonahalo ea hore a ka iphumana a nkile khau eo. Joalokaha ke mo tseba hore ke sebapali se sebetsang kathata, seo ke neng ke se etsa joalo ka ba bang ba libapali tsa ka, ke ho mo fa khothatsa ka linako tsohle. Boholo ba nako re ne re batlana le maqheka a hore a hlabe ntlha papaling e 'ngoe le e 'ngoe, leha ho

Re na le lehlohonolo la hore sehlopha sa rona se na le libapali tse holileng haholo papaling ena ea bolo ea maoto, ba thusa haholo ho shebana le boitšoarole ba libapali nako eohle. Ka hona ho ba bobebe hore re etse mosebetsi oa hore ba itšoare hantle hobane ba se ntse ba laolana e le libapali. Letlobo lena la libapali tseo re nang le tsona

MISA le NACDOL li matlafatsa bophatlalatsi



Nthabeleng Seithleko

MISA Lesotho ka kopanelo le Mokhatlo o shebaneng le Ntlafalo ea Thuto ea Bana ba Likonyana (NACDOL), li phatlalalitse ka molao moketjana oa selemo le selemo oa ho tlotla baphatlalatsi. Tsena li hlaheletse 'mokeng oa bo-ralitaba oa la 16 Phupu monongoaha.

Molula-Setulo oa MISA Lesotho Kananelo Boloe-tse, o itse MISA Lesotho e tseba bohlokoa ba baphatlalatsi le boikitlaetso ba bona ha ba fitisa litaba ho Basotho le ho susumetsa batho ba pusong ho etsa melao le maano a arabelang lithoko tsa sechaba. A re matsatsing ana ba se nyefola ba bang ka ho etsa mosebetsi empa ba lokela ho tšehetsana.

O itse ba etsa moketjana ona oa ho tlotla baphatlalatsi ba ntseng ba tšoere ka thata ho etsa mesebetsi o tsoileng matsoho ho bona hore ba phahamisa moea oa botlalehi ba litaba. O re ba bang ba sebetsa mahala ha ba fumane letho mesebetsing, ka hona ba ha ba ka fumana letho e le bophatlalatsi hoo e tla ba tlotla e kholo. O re

morero ona ke oa khale, 'me takatso ea bona ke hore ebe ba se ba ketekile mokete oa pele ho tlotla baphatlalatsi.

O re NACDOL ke mokhatlo o hlokometseng bohlokoa ba bophatlalatsi kahar'a naha, ka hona ba t'lo tšehetsa litaba tsa bana 'me ba rata ho bona mekhatlo, likampani le batho ba boithatelo bo botle ba tšehetsa baphatlalatsi hore ba atlehe mosebetsing oa bona le hore hape taba ena e se felloe ke nako.

A tsoelapele ka hore te-bello ea bona ke hore limpho tsohle li tla fanoa ho baphatlalatsi ba lipapali, makhotla, bophelo, thuto, khoebo le moruo, boithabiso, tikoloho, metsi le tse ling. Ba leboha Mokhatlo oa Liakhente Lesotho ka ho tlotla baphatlalatsi ba litaba tsa makhotla ka ho ba tsosa molota, tšebet-song ea bona.

O re ba ne ba shebile hore ka la 28 Loetse sele-mo le selemo ba tšoare moketjana ona, empa ho latela nako ba ntse ba she-ba letsatsi le leng. A re ho tla ba le batho ba tla etsa lipatlisiso holima litaba tsa bana, ba sebelitseng kahare ho bophatlalatsi le litabeng tse ling, 'me ba tla hloaea baphatlalatsi ba ipabotseng mosebetsing.

O re ba tla eleloa bophatlalatsi boemong bohle

kahar'e ho naha ebile ba tla sebelisa lipuo tsohle. A re ba tla abeloa mangolo, mehope kapa lisebelisoa, morero ke hore ebe litho tsa MISA Lesotho le likoranta tsa marang-rang tse

ngolisitsoeng ka molao. A ipiletsa ho baphatlalatsi ho kenella ka matla marang-rang le ho koala sekheo se teng e le hore litaba li tlalehoe hohle.

Mookameli oa NACDOL

Shoeshoe Mofokeng, o itse ba sebetsana le bana ho tloha ba hlahile ho fihlela ba le lilemo li robeli, 'me ba shebane le lintho tsohle tse amang ngoana joaloka bophelo, kentelo, ho tloha ha ngoana a le likonyaneng le ho susumetsa hore 'muso o be le leano le thusang hore bana ba hole hantle.

O re ba ile ba bona bohlokoa ba baphatlalatsi nakong eo ba neng ba khothaletsa hore bana ba isoe likolong tsa likonyana le ho sireletsoa ha bana nakong eo ba tlalehang litaba.

A re bophatlalatsi bo bapala karolo e kholo litabeng tsa polokeho le ho beha sechaba leseling ka litaba tsa bana, ka hoo ba t'lo tšehetsa mokhahlelo oa litaba o buang ka bana. O re ba bona mosebetsi oa baphatlalatsi ba bona haholo ke ho lokisetsa boetapele ba kamoso, ka hona ba tlo tšehetsa litaba tsa bana nako ea lilemo tse tharo.

We live with not for people



Teboho Matjeka
63574502/58911803

We spent most of our lives trying to impress people to the best of our abilities. We make ourselves susceptible to their judgement and scrutiny simply because we give them room to be the dictators in our lives. We must remember that we co-exist with people we don't live for them. We cannot afford to reduce ourselves to their opinion, opinionated as they are if we can remember that whatever they say is just and opinion not a reflection of who we are. The unfortunate thing is we feel obligated to make adjustments in our lives sim-

ply because someone holds a certain opinion about how we do things. Even those changes we make don't necessarily please everyone, there are those who are still going to form an opinion in what we would think is a new found lifestyle, then confusion kicks in, who are we, how best can we live our lives? The answer is very simple, we live our lives by our rules, so long as we are content and are not doing anything immoral then we are good. As we write the stories of our lives nobody but us should hold a pen, we can't afford to be passengers in our own lives, in fact we are the CEOs of our lives no one else.

ELEGANCE COUTURE



FABRIC THAT SPEAKS

ELEGANCE COUTURE

CONGRATULATES ALL GRADUANDS OF 2024.
MAY GOD SHINE HIS LIGHT UPON YOUR WAYS
AND POUR HIS BLESSINGS UPON YOU ALL.
REMEMBER TO GET YOUR FULL GRADUATION
REGALIA FROM US AS WELL AS YOUR DESIRED
OUTFIT AT LOW PRICES.

50% OFF

UNTIL AUGUST 2024

(ALL COLLECTIONS)



PHYSICAL ADDRESS:
TRADORETTE BUILDING ROOM B22

WHATSAPP: +266 58524642
FACEBOOK AS ELEGANCE COUTURE
INSTAGRAM AS ELEGANCE COUTURE

